



Aningaasaqarnermut Naalakkersuisoq

Aningaasaqarnermut Ataatsimiititaliap suliaq nr. 01.31.06/10-00514 pillugu pingasunngornermi ulloq 5. januar 2011-mi aalajangiineranik Naalakkersuisunut ilisimatitsineq.

Sanaartugassatut suliassani missingersuutitut sunniuteqanngitsumik nussuinissaq

Naalakkersuisut inassutigaat,

- kontumi pingaarnermi 80.00.00 Sanaartornermut atugassat agguanneqanngitsut, aningaasaliissutit 1,1 mio. koruuninik ikilisinneqassasut
- kontumi pingaarnermi 83.30.13 Nuna tamakkerlugu paaqqinniffiit, aningaasaliissutit katillugit 2,75 mio. koruuninik amerlineqassasut, agguarneranni suliassamut nr. 020.40.027 Ivaaraq nutaaq Ivaaratoqqallu Qaqortumiittup allanngortiternera, aningaasaliissutit 1,3 mio. koruuninik amerlillugit, suliassamut nr. 060.40.031 Innarluutilinnut immikkoortortaq, misiligutitut suliaq Nuummiittoq, aningaasaliissutit 0,1 mio. koruuninik amerlillugit, suliassamut nr. 060.40.033 Ajap allanngortiternera allilerneralu, Nuuk, aningaasaliissutit 0,45 mio. koruuninik amerlillugit, suliassamut nr. 080.40.035 Gertrud Rask Mindep Sisimiuniittup allanngortiternera, iluarsartuunneqarnera allilerneqarneralu, aningaasaliissutit 0,9 mio. koruuninik amerlillugit
- kontumi pingaarnermi 84.40.10 Kommunini atuarfiit, aningaasaliissutit katillugit 0,8 mio. koruuninik ikilisinneqassasut, agguarneranni suliassamut nr. 081.50.119 Atuarfiup allanngortiternera, iluarsartuunneqarnera allilerneqarneralu, Itilleq, aningaasaliissutit 0,25 mio. koruuninik ikilisillugit, suliassamut nr. 096.50.095 Atuarfiup allanngortiternera, iluarsartuunneqarnera allilerneqarneralu, Niaqornaarsuk, aningaasaliissutit 0,3 mio. koruuninik ikilisillugit, suliassamut nr. 123.50.114 Atuarfiup allanngortiternera, iluarsartuunneqarnera allilerneqarneralu, Saqqaq, aningaasaliissutit 0,3 mio. koruuninik ikilisillugit, suliassamut nr. 152.50.103 Atuarfiup allanngortiternera, iluarsartuunneqarnera allilerneqarneralu, Qaarsut, aningaasaliissutit 0,2 mio. koruuninik ikilisillugit, suliassamut nr. 022.50.101 Atuarfiup allanngortiternera, iluarsartuunneqarnera allilerneqarneralu, Eqalugaarsuit, aningaasaliissutit 0,06 mio. koruuninik amerlillugit, suliassamut nr. 165.50.097 Atuarfiup allanngortiternera, iluarsartuunneqarnera allilerneqarneralu, Tasiusaq (Upv.), aningaasaliissutit 0,19 koruuninik amerlillugit, suliassamut nr. 030.50.110 Atuarfik, Narsaq, aningaasaliissutit 1,4 mio. koruuninik ikilisillugit, suliassamut nr. 996.50.100 Atuarfiit assigiinngitsut, nutaanik sanaartorneq iluarsaassinerlu, 2010, aningaasaliissutit 1,4 mio. koruuninik amerlillugit.
- kontumi pingaarnermi 84.40.15 Ilinniartut inaannik sanaartorneq, aningaasaliissutinik suliassat uku akornanni missingersuutitut sunniuteqanngitsumik nussuisoqassasoq: suliassamut nr. 020.52.028 Ilinniartut inaat, Qaqortoq, aningaasaliissutit 2,8 mio.

- koruuninik amerlineqassasut, suliassamut nr. 060.52.046 Ilinniartut inaannik sanaartorneq, Nuuk, 2009-2011, aningaasaliissutit 4,0 mio. koruuninik amerlineqassasut, suliassamut nr. 020.52.045 Ilinniartut inaannik sanaartorneq, Qaqortoq, 2009-2011, aningaasaliissutit 2,8 mio. koruuninik ikilisinneqassasut, suliassamut nr. 120.52.049 Ilinniartut inaannik sanaartorneq, Ilulissat, 2009-2011, aningaasaliissutit 4,0 mio. koruuninik ikilisinneqassasut, suliassamut nr. 090.52.032 Illut marluk ilinniartunut inissiat, Kangaatsiaq, aningaasaliissutit 1,4 mio. koruuninik amerlineqassasut, suliassaq nr. 010.52.031 Ilinniartunut inissianik pioreersunik allangortiterineq, Nanortalik, aningaasaliissutit 0,085 mio. koruuninik ikilisinneqassasut, suliassamut nr. 100.52.030 Ilinniartunut inissiat, Aasiaat, aningaasaliissutit 0,42 mio. koruuninik ikilisinneqassasut, suliassamut nr. 150.52.033 Ilinniartunut inissianik iluarsaassineq atortullu, Uummannaq, aningaasaliissutit 0,8 mio. koruuninik ikilisinneqassasut, suliassamut nr. 180.52.036 Ilinniartunut inissiat 26-t iluarsartuussinerlu, Tasiilaq, aningaasaliissutit 0,095 mio. koruuninik ikilisinneqassasut - kontumi pingaarnermi 87.72.13 Immikkut ittumik iluarsartuussineq, suliassamut nr. 996.97.149 Iluarsaassineq, sumiiffiit assigiinngitsut, 2008, aningaasaliissutit 0,85 mio. koruuninik ikilisinneqassasut.

Aningaasaqarnermut Ataatsimiititaliap oqaaseqaatai

Aningaasaqarnermut Ataatsimiititaliaq ulloq 5. januar suliaq manna pillugu Ineqarnermut, Attaveqarnermut Angallanermullu Naalakkersuisumik apersuivoq. Naalakkersuisunut ilaasortap oqaasissaasa allattorsimaffiat aalajangiinermut uunga ilanngussatut ilanngunneqarpoq.

Tamatuma saniatigut Naalakkersuisunut ilaasortap nalinginnaasumik paasissutissiisutigaa sanaartorneq aallartinneqartinnagu sanaartorfissamik sanaartorfigissaaneq kommunimit nalinginnaasumik ingerlanneqartartoq, tamatumalu kingorna sanaartorfigissaanermut aningaasartuutitut matussutissanut akiliuteqarnissamik sanaartortitsisoq akileeqquneqartarluni. Suliamulli *060.52.046-mut, Nuummi ilinniartut inaannik sanaartornermut*, tunngatillugu sanaartornissap siuartinneqarnissaa kissaatigineqarsimavoq, tamannalu Nukissiorfiit ilaatigut innaallagissamik imermillu pilersuinissaannik pilersitsinermut ikkussuinernullu aningaasartuuteqarnerunermik nassataqarsimavoq, tassa nunaminertaq sanaartorfigineqartoq sanaartornerup aallartinneqarnissaa sioqqullugu sanaartorfigissarneqarsimangimmat. Aningaasaliissutit amerlissutissaattut kissaatigineqartut 4 mio. kr.-iusunit 2 mio. kr.-it, tassa aningaasat affaat taakkuninnga pilersitsigallanermut atorineqassapput.

Ataatsimut isigalugu ilinniartut inaannik sanaartornermik siuarsaaneq pitsaasutut pisariaqartutullu Aningaasaqarnermut Ataatsimiititaliamit isigineqarpoq. Tamannali nunatta karsiata aningaasaliissutaanik akisussaassuseqartumik pisariaqartumillu aqutsinissamik pisariaqartitsinermut sanilliullugu oqimaalutarneqartariaqarpoq. Suliami matumani pineqartumi sanaartornerup siartinnera naapertuuttutut ataatsimiititaliamit isigineqanngilaq, tassa allassimasutut tamanna Nukissiorfiit pilersuinerannut attaviliigallarnissaa siunertaralugu nunatta karsiata 2 mio. kr.-inik aningaasartuuteqarneruneranik kinguneqarsimammat. Ataatsimiititaliaq ataatsimut isigalugu isumaqarpoq sanaartorfigissaanissaa aammalu tassunga aningaasartuutit akilerneqarnissaat avinneqarnissaallu pillugit ersarissumik isumaqatigiissuteqartoqarsimatinnagu siunissami sanaartukkanik aallartitseqqittoqartariaqanngitsaq.

Taamatuttaaq siunissami suliassanik taamaattunik takkuttoqartarnissaata pinaveersaartinneqarnissaa siunertaralugu oqartussaasut immikkoortortallu aqutsinermik

ingerlatsisut akornanni allaffissornikkut pitsaanerusemik ataqatigiissarisooqarnissaa qulakkeerneqartariaqartoq ataatsimiititaliaq isumaqarpoq.

Aningaasaqarnermut Ataatsimiititaliap aalajangiinera

Siuliani allasimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Aningaasaqarnermut Ataatsimiititaliaq sinnerlugu

Naaja Nathanielsen
Aningaasaqarnermut Ataatsimiititaliap siulittaasua